

("Службене новине Федерације БиХ", бр. 48/14, 77/14, 97/14 и 58/15).

V

Ovo rješenje stupa na snagu narednog dana od dana objavljivanja u "Службеним новинама Федерације БиХ".

V. број 1279/2018
05. новембра 2018. године
Сарајево

Премијер
Фадил Новалић, с. р.

FEDERALNO MINISTARSTVO UNUTRAŠNJIH/UNUTARNJIH POSLOVA

1637

Na osnovu člana 9. stav (3) Pravilnika o kriterijima za provjeru zdravstvene sposobnosti lica koja obavljaju poslove zaštite ljudi i imovine ("Службене новине Федерације БиХ", број 32/15), u saradnji sa federalnim ministrom zdravstva, federalni ministar unutrašnjih poslova donosi

RJEŠENJE

O VISINI TROŠKOVA PROVJERE ZDRAVSTVENE SPOSOBNOSTI ZA LICA KOJA OBAVLJAJU POSLOVE ZAŠTITE LJUDI I IMOVINE

I

Ovim rješenjem utvrđuje se visina troškova provjere zdravstvene sposobnosti koja obuhvata provjeru tjelesne i duševne sposobnosti lica koja obavljaju poslove zaštite ljudi i imovine utvrđena u Pravilniku o kriterijima za provjeru zdravstvene sposobnosti lica koja obavljaju poslove zaštite ljudi i imovine.

II

Troškovi iz tačke I ovog rješenja odnose se na lica navedena u članu 2. stav (2) Pravilnika o kriterijima za provjeru zdravstvene sposobnosti lica koja obavljaju poslove zaštite ljudi i imovine i to:

- lica koja podnose zahtjev za pohađanje obuke za sticanje sertifikata za obavljanje poslova zaštite ljudi i imovine iz člana 18. Zakona o agencijama i unutrašnjim službama za zaštitu ljudi i imovine ("Службене новине Федерације БиХ", бр. 78/08 i 67/13),
- lica koja zaključe ugovor o radu s agencijom, odnosno pravnim licem koje je organizovalo vlastitu unutrašnju zaštitarsku službu za obavljanje poslova zaštite svojih ljudi i imovine,
- lica koja su u radnom odnosu u agenciji, odnosno pravnom licu koja su organizirala vlastitu unutrašnju zaštitarsku službu za obavljanje poslova zaštite svojih ljudi i imovine - provjera se vrši u vidu periodične provjere zdravstvene i psihofizičke sposobnosti prema članu 25. stav (1). Zakona i u skladu sa Pravilnikom o načinu organizovanja periodične provjere sposobnosti rukovanja oružjem, provjere zdravstvene i psihofizičke sposobnosti i stručne obuke zaposlenika agencije za zaštitu ljudi i imovine ("Службене новине Федерације БиХ", број 40/16).

III

Troškovi provjere zdravstvene sposobnosti za lica iz tačke II ovog rješenja, koju utvrđuje prvostepena ili drugostepena ljekarska komisija u skladu sa Pravilnikom o kriterijima za provjeru zdravstvene sposobnosti lica koja obavljaju poslove zaštite ljudi i imovine, iznosi i to:

- rad prvostepene ljekarske komisije - 80,00 KM,
- rad drugostepene ljekarske komisije - 250,00 KM.

IV

Troškovi iz tačke III ovog rješenja uplaćuju se na račun ovlaštene zdravstvene ustanove iz člana 4. Pravilnika o kriterijima

za provjeru zdravstvene sposobnosti lica koja obavljaju poslove zaštite ljudi i imovine, koja izvrši pregled lica iz tačke II ovog rješenja.

V

Zdravstvene ustanove iz tačke IV ovog rješenja dužne su da ocjenu zdravstvene sposobnosti izdaju na obrascu koji je utvrđen Pravilnikom o kriterijima za provjeru zdravstvene sposobnosti lica koja obavljaju poslove zaštite ljudi i imovine.

VI

Zdravstvene ustanove iz tačke IV ovog rješenja dužne su u skladu sa članom 10. Pravilnika o kriterijima za provjeru zdravstvene sposobnosti lica koja obavljaju poslove zaštite ljudi i imovine, dostaviti godišnji izvještaj o provjeri zdravstvene sposobnosti za lica iz tačke II ovog rješenja.

VII

Ovo rješenje stupa na snagu danom donošenja i objavit će se u "Службеним новинама Федерације БиХ".

Број 01-03-04-1-870/18
25. октобра/листопада 2018. године
Сарајево

Министар
Алјоша Ћампара, с. р.

FEDERALNO MINISTARSTVO POLJOPRIVREDE, VODOPRIVREDE I ŠUMARSTVA

1638

Na osnovu člana 47. stav 6. Zakona o veterinarstvu u Bosni i Hercegovini ("Службени гласник БиХ", број 34/02), federalni ministar poljoprivrede, vodoprivrede i šumarstva donosi

PRAVILNIK

O DOPUNAMA PRAVILNIKA O POSTUPKU ISPLATE NADOKNADE ŠTETE ZA NEŠKODLJIVO UKLONJENE SEROPOZITIVNE ŽIVOTINJE

Član 1.

U Pravilniku o postupku isplate nadoknade štete za neškodljivo uklonjene seropozitivne životinje ("Службене новине Федерације БиХ", број 98/12) u članu 7. iza tačke 5. dodaje se nova tačka (6) koja glasi:

"(6) dokaz o provedenim propisanim dijagnostičkim mjerama za prethodnu godinu (potvrda o provedenim obavezanim mjerama ili laboratorijski nalaz)".

Iza stava 1. dodaje se novi stav 2. koji glasi "U slučaju pojave uginuća životinje ili više životinja sa istim ili sličnim simptomima, odnosno kada životinja naglo ugiñe bez vidljivog uzroka, vlasnik uz zahtjev za nadoknadu štete dostavlja slijedeću dokumentaciju:

- fotografiju uginule životinje sa vidljivom ušnom markicom;
- dokaz o utvrđenoj zaraznoj bolesti (laboratorijski ili patohistološki nalaz);
- zapisnik veterinaru iz veterinarske stanice o izvršenom pregledu sa podacima o broju životinja, ušnoj markici, mjestu uginuća i epidemiološkom istraživanju;
- zapisnik komisije o procjeni štete na osnovu zapisnika veterinaru iz veterinarske stanice.

Član 2.

U članu 8. stav 2. iza riječi "životinje" briše se tačka i dodaju riječi "ukoliko se pregledom dokumentacije utvrdi da je ista valjana i kompletna".

Član 3.

Iza člana 2. dodaje se novi član koji glasi: